



Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Broj: 01-05-23-8345-88/19
Sarajevo, 18.04.2019.godine

SKUPŠTINA KANTONA
N/r gosp. Elmedin Konaković, Predsjedavajući
OVDJE

Predmet: Odgovor na inicijativu zastupnika Damira Marijanovića

Ministarstvu prostornog uređenja, građenja i zaštite okoliša dostavili ste inicijativu zastupnika Damira Marijanovića pokrenutu, na Šestoj radnoj sjednici Skupštine Kantona Sarajevo, održanoj dana 26.03.2019.godine, u okviru tačke Dnevnog reda "Poslanička pitanja, inicijative i odgovori", radi postupanja po istoj.

Inicijativa glasi:

"Da se po što hitnijoj proceduri pokrenu aktivnosti predviđene "Akcionim planom za unapređenje prava i položaja osoba sa invaliditetom u Kantonu Sarajevo (2018-2021)" na uklanjanju arhitektonskih barijera na Univerzitetu u Sarajevo koje onemogućavaju potpunu inkluziju studenata sa invaliditetom u okviru realizacije nastave i drugih studentskih aktivnosti."


Odgovor:

U vezi podnesene inicijative za uklanjanje arhitektonskih barijera na Univerzitetu u Sarajevo koje onemogućavaju potpunu inkluziju studenata sa invaliditetom u okviru realizacije nastave i drugih studentskih aktivnosti ističemo da Ministarstvo prostornog uređenja, građenja i zaštite okoliša nije nadležno za realizaciju iste, već je to u konkretnom slučaju u nadležnosti Univerziteta u Sarajevu i Ministarstva za obrazovanje, nauku i mlade, kao resornog Ministarstva.

Istovremeno vas obavještavamo da pitanje otklanjanja i sprječavanja stvaranja arhitektonsko-urbanističkih barijera za kretanje invalidnih lica je normativno regulisano, a što jeste nadležnost Ministarstva prostornog uređenja, građenja i zaštite okoliša.

Naime, Vlada Kantona Sarajevo donijela je Uredbu o urbanističko-tehničkim uvjetima, prostornim standardima i normativima za otklanjanje i sprječavanje stvaranja arhitektonsko-urbanističkih barijera za kretanje invalidnih lica koja koriste tehnička i ortopetska pomagala („Službene novine Kantona Sarajevo“, broj 5/00). Odredbama člana 180. Zakona o prostornom uređenju Kantona Sarajevo ("Službene novine Kantona Sarajevo", br. 24/17 i 1/18) propisano je da se navedena Uredba primjenjuje u smislu odredbi člana 67. stav (2) ovog zakona.

Nadalje, Zakon o prostornom uređenju Kantona Sarajevo u članu 59. stav (1) tačka 1) propisuje da urbanistička saglasnost, između ostalog, sadrži obaveze u odnosu na prava lica sa



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031

Sarajevo, Reisa Džemaludina Čauševića 1



umanjenim tjelesnim sposobnostima u skladu sa posebnim propisima, te uslove za otklanjanje i spriječavanje stvaranja arhitektonsko-urbanističkih barijera za kretanje lica sa umanjenim sposobnostima kretanja (član 67. stav (1) tačka (m)).

Donošenjem navedenih propisa stvorene su pretpostavke za uklanjanje i spriječavanje arhitektonskih barijera, što jeste nadležnost ovog Ministarstva, a njihova implementacija je obaveza svih državnih organa i institucija, u ovom slučaju Univerziteta u Sarajevu resornog Ministarstva.

S poštovanjem,

Dostaviti:

- Naslovu
- Vlada Kantona Sarajevo
- a/a



MINISTAR


Damir Filipović, MA prava



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031

• Sarajevo, Reisa Džemaludina Čauševića 1

